

Konkomba - Uwumbor Aagban - Lust Scriptures

Nnyam 15:9 Timi aadin bui ke, 'M ga paan bi pu aan ki chuu bi. M ga yakr baawangol le ki nyan maah gee ni na. M ga di maajaak aajuk le ki jenn bi ki gaa baah kpa tiwan ni na mɔmɔk.'

Nnyam 18:21 Tɔ, tiwan ni kpee na sɔ, pɔɔn aabaa ki nyan bijab bi ga ɳmaa joo biken na, ki tii bi nsaloln aatuln bi li joo biken: bisalolm ngbaan bibaa li lik lichur lichur, bibaa mu li lik nkub nkub, bibaa mu li lik piiŋmu piiŋmu, bibaa mu li lik kipiik kipiik aanib. Cha binib ngbaan li ye binib bi san Uwumbor ijawaan ki tun lituln mbamɔm, kaan li gaal igaŋganlık na.

Nnyam 20:14 "Aa taa gor kidagook.

Nnyam 20:17 "Aa taa cha aanimbil li man aanjeen aato Aadichal, bee upuu, bee waanaagbiib, bee waanaa, bee waabon, bee waah kpa tiwan nimɔk na pu."

Nkahm 11:4 Biwɔwɔm bibaa nan bi Israel yaab chee, ki dii bi cha. Bi nan cha tinann aakpeek chuu bi ni pɔɔ pam, le Israel yaab mu nan piin ki len tibɔr ti kaa ɳjan na ki bui ke, "Ti yaa ba kan tinann ki ɳman kan, ni ba ɳjan.

Ikaal 5:21 " 'Aa taa cha aanimbil li man aanjeen aato Aadichal, bee upuu, bee waakpaakon, bee waanaagbiib, bee waawakor, bee waah kpa tiwan nimɔk na pu.'

Ikaal 12:20 "N-yoonn mu Nidindaan Uwumbor moo tii nimi kitij kpee, ke waah nan puu pu na kan, ni ga ɳmaa ɳmɔ tinann, naah ban pu na.

Ikaal 22:22 "Ni yaa chuu uja, unjeen aato aapuu chee kan, ni ku bi mɔmɔk bilee. Ni yaa ɳa kina kan, ni ga nyan kina aatunwanbir aaboln nibaa chee.

Josua 7:21 Tiwan nimɔk ti jenn gaa na ponni, m kan Babilon yaab aabɔkul nyaan libaa, ni tikunabr ti aanyunyuun ga pii njikaabim kuruwaa bilee na, ni salmaa u aanyunyuun ga pii njikaabim kuruwaa ubaa na, le nsui gee ni sakpen, le m yoor. M di tikunabr ngbaan le ɳa taab ki di ni mɔmɔk sub maabool ni. Ni ga kan ni nima."

Ilahn 10:3 Ubiindaan kpa kigaak waanimboŋ aageehn aatuln pu la, le ukumɔndaan seei Uwumbor ki yii u.

Ilahn 78:18 Bi nyi le ki tɔŋ Uwumbor ki bui ke u tii bi tijikaar ti bi ban na.

Ilahn 78:30 Tɔ, baakpeek aa nan kee doo; bi nan beenin ji,

Ilahn 81:12 Kina pu le m cha bi kpa tafalaanjun le ki ɳani baah gee pu na.

Ilahn 106:14 Le nteersakpiin ngbaan ni, kikpeek cha bi tɔŋ Uwumbor;

Ilahn 119:36 Cha m li kpa lineen saakaal pu ki jer liwangol.

Diyataŋjak 1:19 Unii umɔk su nnaayupɔɔn na aamɔfal door la. Unii umɔk aabimbin bir na aadoon le ye nkun.

Diyataŋjak 6:25 Taa cha baanyaan chuu si, ki taa cha baadagoonimbil chuu si.

Diyataŋjak 15:27 Ukumɔndaan ban tibɔr tii waadichal la, le unii u yii igaŋganlık na kpa limɔfal.

Diyataŋjak 21:25,26 Ugbanyakdaan u yii lituln na bi ku ubaa la. 26 Waalandak mɔk ye le ke u ba li kpa tiwan. Le unibamɔnn ma kan, u ga tii sakpen sakpen.

Diyatanjak 28:16 Unii u bi mpoɔn ni, kaa kpa nlan na ga li ye ubiindaan la. Le unii u nan beebee aatuln na ga yunn nnaan ni.

Aisaya 56:11 Bi naahn ibo i kaa ji babr na la. Bininkpiib bee aa kpa ɳuntii. Bimok ɳani baah gee pu na la, le ki ban bibaa aanyaan.

Aisaya 57:17 Baatunwanbir ni baakumɔŋ pu le m nan gee bi pu liŋuul, le ki nan daa bitafal ki san cha bi. Le baa nan kpeln, ki beenin dii baasan.

Jeremia 6:13 Binib bi pɔɔ na, ni bi kaa pɔɔ na mɔmɔk pɔɔni bibaa ke bi di beebee le kan ɳimombil, hali maabɔnabiib ni bitotoorb ji binib ngbaan la.

Jeremia 22:17 Le aa ma ga kan saakumɔŋ aanyoor baanja; aa ku binib bi kaa kpa taani ubaa na, le ki joo mbimbinpɔɔl muk saanib. Uwumbor le len kina.

Jeremia 51:13 Kitij ngbaan kpa ɳimɔɔ ni liwangol sakpen, to, kaayoonn mu fuu a, le kaamɔfal doo.

Esekiel 6:9 Nima le bi ga ti teer mbɔr ki bee ke min le daa bitafal ki jinn bi inimɔɔn, bisui i kaa ɳani maah len pu na, ki yii mi ki labr dii ɳiwaa na pu. Baah tun titunwanbir ki ɳani tiwan ni bii binib aayimbil na pu, le biponn ni ga li sukr bibaa pu.

Esekiel 14:4,5 "Len bi chee tibɔr ki bui bi min Bidindaan Uwumbor aah tuk bi pu na: Israel aanii umɔk di usui tii ɳiwaa aan ki cha ɳi di u tun titunwanbir aan u ki dan maabɔnabr chee na, ga kan ngarm mu waawaa ɳi wiir ngbaan na ban na. 5 Diwaa ngbaan mɔmɔk gaa Israel yaab m chee a, le maah ga tii ngarm mu na, m dak ke bi ga ki giin ni baamɔkiil nan tii mi.

Esekiel 22:12 Saanib bibaa ku binib le ki gaal tipar. Biken gaal ɳimombil paani baah pinn pu tii biŋeen aatɔtiib Israel yaab biken na, le ki kani kina aajinjin pu ɳimombil. Bi sunn mbɔr." Bidindaan Uwumbor le len kina.

Esekiel 33:31 Kina pu na, maanib kuuni ke bi nan ɳun saah kpa pu aa len na, kaa tee ɳani saah tuk bi ke bi ɳa pu na. Ngeehm aabɔlen le bi bimɔi ni, le bi tee beenin dii baakumɔŋ aasan.

Hosea 4:12 Lidɔgeln chee le bi chaa ti baa tibɔkpiirkaan. Ndɔ le tuk bi baah ban ke bi li nyi tiwan ni na. Bi di mi mee. Bi di bibaa tii ɳiwaa ke upii u di ubaa ɳa udagoor na la.

Hosea 5:4 Binib ngbaan aah tun titunwanbir ti na le cha baa ɳmaa gir ni Baawumbor chee. Diwaa kpa bi pu mpoɔn, le baa ki nyi Uwumbor.

Maika 2:2 Bi yaa ban ikpaakon kan, bi gaal i mpoɔn la; bi yaa ban ɳidichal kan, bi gaal ɳi mpoɔn la. Ubaa aadichal bee waawangol aa nyan tibɔr ni.

Nahum 3:4 Uwumbor daa pateer Ninefa aatinj aatafal la. Ki nan ɳan sakpen, le ki kpa ibɔnyɔk i bir na, ki nan ɳmal ɳitimbol ɳiken ibɔnyɔk, ki di mu ɳa tinaagbiir ni.

Habakuk 2:9 Saamɔfal junn a. Aa di mpoɔn ni beebee le ki di gaa binib aawangol le ki kpalm uwankpadaan, le ki pɔɔn aabaa ke aa maa saadichal paacham ki nya mbiin ni tibɔr ni.

Matiu 5:28 Min le tuk nimi ke unii umɔk lik upii ka waalaasab koo u ni kan, u kpaan gor kidagook usui ni.

Mak 4:19 Bi ɳun tibɔr ngbaan la. Le dulnyaa wee ni aabor, ni liwankpal aakɔrk, ni tiwan aabɔŋ aakɔrk mu koo bisui ni, le ki ku tibɔr ngbaan bisui ni, le taa mar.

Mak 7:22 ni iniman, ni mbiin, ni linyamongee, ni inimpoo, ni lipiipoln, ni njiibil, ni kalmbaani, ni kijork aatuln.

Luk 3:14 Le u bui bi, "Ni taa gaa njimobil ki jer baah siin nimi pu na."

Luk 12:15 le ki tuk kinipaak ngbaan, "Ni li nyi man ki taa li kpa iniman. Unii yaa kpa liwangol li wiir na kan, nima le aan tii u limofal."

Luk 16:14 Le Farisii yaab, bi gee njimobil sakpen na, ηun Yesu aah len tibor timina momok pu na, le ki laa u.

Jonn 8:44 Kinimbɔŋ aabim le ye nimi, kima le ye nite. Le ni ban ni li ηani kaah gee pu na. Dulnyaa aah nan piin buyoonn ki nan saa dandana na, ki ye unikur la. Kaa len ibamɔn. Mbamɔn aa bi ki ni. Ki yaa len inyamɔn kan, ki len tibor ti bi ki ni na la. Ki ye unyamɔndaan la. Kima le naan inyamɔn.

Lituln 20:33 Maah nan bi ni chee na, maa nan ban unii ubaa aamombil, kaa ban unii ubaa aawanpeenkaan.

Rom Yaab 1:24-29 Nima le Uwumbɔr di cha bi, le bi dii bisui aah ban pu na, ki tun tijɔŋ aatuln, ki tun lituln li jinni biwon inimɔɔn na. Bi yii Uwumbɔr u ye mbamɔn na, ki dii ηiwaa. 25 Bi dooni tiwan ni Uwumbɔr naan ni na, ki dii ni, kaa dooni Uwumbɔr u naan tiwan momok na, kaa dii u. Uma Uwumbɔr le yeh mpakm nyoon mu kaa kpa ndoon na. Amii. 26 Baah yii Uwumbɔr na, nima le u siir cha bi. Le bi tun inimɔɔn aatuln, bisui aah ban pu na. Bipiib di binjeen aatɔtiib kpalm bijab, ki doo bi chee. 27 Bijab mu yii bipiib, ki chuun ban bijab, ki di binjeen aatɔtiib kpalm bipiib ki tun inimɔɔn aatuln, le Uwumbɔr daa bitafal, baatunwanbir aah ηeer pu na. 28 Baah kaa gee ke bi li nyi Uwumbor na, le u siir cha bi. Le bi dak ilandak i ye fam na, ki tun lituln li kaa ηan na, 29 ki gbii titunwanbir aabɔŋ momok. Bi gor kidagook ki tun baka baka, ki kpa iniman, kaa gee tɔb, ki kpa lipiipoln, ki jaa kijaak, ki ku tɔb, ki ηmanni tɔb, ki nan tɔb, ki bii tɔb libɔɔl ni, ni mpaan pu.

Rom Yaab 6:12 Nima pu na, ni taa ki cha titunwanbir li joo nimi aawon ti ga kpo na, ki taa ki kii tii tiwon aah ban pu na.

Rom Yaab 7:7 Nima pu na, ti ga len ke Moses akaal aa ηan aa? Mu ηan. Nkaal na yaa kaa ba bi kan, maa ba ga bee titunwanbir. Nkaal na yaa kaa ba len ke "Taa li kpa iniman" kan, maa ba ga bee ke iniman ye titunwanbir.

Rom Yaab 13:9,14 Ba pu? ikaal momok nyan ni nkaal mu len ke, "Aa li gee binib biken ke saah gee aabaa pu na" ni la. Ikaal i len ke, "Taa gor kidagook, taa ku binib, taa su kinaayuk, taa gee nnyamɔn paani binib, taa li ban biken aawan" na, ikaal ngbaan, ni ikaal i gur na momok nyan ni nkaal ngbaan ponn ni la. 14 Ni li bi ke Tidindaan Yesu Kristo aah bi pu na, ki taa ki li ηani nimi aabimbikpok aah ban pu na.

1 Korint Yaab 5:10,11 Maa len dulnyaa aanib pu; dulnyaa aanib bi ye bidagoob, ni binimandam, ni binib bi ji biken pempem na, ni biwaadam na, naa ηmaa nya bi chee, see ni nyan dulnyaa wee ni. 11 Maah len pu na le ye ke unii u len ke u dii Kristo aasan na, u yaa ye udagoor, bee unimandaan, bee uwaadaan, bee ηisiibil daan, bee udagbiir, bee unii u ji binib pempem na kan, ni ni udaan ngbaan taa kpaan. Hali ni taa ji u chee tijikaar.

1 Korint Yaab 6:9,10 Naa nyi ke binib bi aabimbin kaa ηan na aan kan Uwumbɔr

aanaan aa? Ni taa njmanni nibaa man; bibonbonn, ni biwaadam, ni bidagoob, ni bijab bi di bineen aatotiib kpahn bipiib ki doo bi chee na, ni bijab bi mu di bibaa ña bipiib ki cha bijab ñeen aatotiib doo bi chee na, 10 ni binaayukb, ni binimandam, ni bidagbiirb, ni ñisiibildam, ni binib bi ji binib pempem na, aan kan Uwumbor aanaan.

- 1 Korint Yaab 10:6 Tibor timina ye nsurm le ki tii timi, ke ti taa ban tiwan ni kaa ñan na, ke baah nan ban pu na.
- 1 Korint Yaab 12:31 To, cha ninimbil li man ipiin i ñan ki jer iken na pu. Cha m mok nimi nsan mu ñan ki jer muken na.
- 1 Korint Yaab 14:39 Nnaabitiiib, nima pu na, cha ninimbil li man ke ni nabr Uwumbor aah len pu na, ki taa bui unii ubaa ke u taa len iliin yayan.
- 2 Korint Yaab 9:5 Nima le m dak ke ni ñan m gan tinaabitiiib bimina ke bi loln m pu nsan ki buen ni chee, ki ter nimi ni too ñimobil ngbaan, naah nan puu tipuul ti na. M yaa fuu ni kan, m ga nan mui ni too ñi ki doo. Nima le ga mok ke ni too ñi, nimi aageehn pu, naa ye ke bi nan muk nimi le ni too ñi.

Galasia Yaab 5:16-20 M tuk nimi la, ni dii Uwumbor Aafuur Nyaan aah mok nimi pu na man, ki taa ñani nimi aabimbikpok aah gee pu na. 17 Timi aabimbikpok aah ban pu na le kpak Uwumbor Aafuur Nyaan aah ban pu na. Uwumbor Aafuur Nyaan aah ban pu na mu kpak timi aabimbikpok aah ban pu na. Timi aabimbikpok ni Uwumbor Aafuur Nyaan ye töb aadim la. Nima le cha ni pöö ke ni dii mbamööm naah ban pu na. 18 Ni yaa dii Uwumbor Aafuur Nyaan aah ban pu na kan, Moses aakaal aa dii nimi. 19 Mbimbikpok aatuln bi lipaal la. Binib bi dii kina na le gør kidagook, ki tun tijon aatuln, ni inimöön aatuln, 20 ki dii ñiwaa, ki chuun ji inyök, ki nan binib, ki ban tibor, ki kpa lipiipoln, ki kpa lijuul, ki kpa kukumööñ, ki kpak töb kinikpakpok, ki yakr töb,

Galasia Yaab 5:24 Binib bi ye Yesu Kristo aanib na, bi yii baabimbikpok aah ban pu na moomok, ki di mbimbikpok ngbaan kpaa Yesu aadöpuinkoo pu.

Efesus Yaab 2:1-3 U tii nimi limöfal la. Ni nan tun titunwanbir, kaa nan kii Uwumbor aamöb, nima le naa nan kpa limöfal. 2 Ni nan dii dulnyaa aasan mu kaa ñan na, ki kii kinimööñ ki ye tiwanbir moomok aayidaan na aamöb. Kima le joo binib bi yii Uwumbor aamöb na. 3 Ti moomok mu nan bi bi ponn ni, ki mu dii taah ban tiwan ni kaa ñan na pu na, ki ñani tisui ni tiwon aah gee pu na. Taah nan bi pu na le nan cha Uwumbor gee lijuul ti pu, ke waah gee lijuul titunwanbirdam biken pu, pu na.

Efesus Yaab 4:19 Binimbil man kidagook ni tijon aatuln pu la. Baalandak aa ki muk bi titunwanbir pu.

Efesus Yaab 4:22-27 Nima pu na, ni di cha nimi aabimbikpok mu kaa ñan na. Mbimbikpok ngbaan nan cha ni ban tiwan ni kaa ñan ki njmanni nimi na la. Ni taa ki li dii naah nan dii pu na man. 23 Cha Uwumbor kpeln nimi aasui aan ki ña nimi nsuupööñ, 24 ki yoor mbimbipööm mu Uwumbor naan mu ki di tii nimi na. Mu ye mbimbinyaan, ki bi chain mbamööm, ki naahn Uwumbor aabimbin la. 25 Nima pu na, ni taa ki moni inyamööñ. Ni moomok li len ibamöön töb chee. Ti yaa njmanni töb kan, ni naahn ke tiwon aawan nibaa le aah njmanni nikken na. 26 Ni yaa gee lijuul kan, ni taa cha nimi aañuul ngbaan tun titunwanbir. Ni taa li

beenin joo linjuul ngbaan nwiin ti lir, 27 ki taa tii kinimboj nsan.

Efesus Yaab 5:3,5 Naah ye Uwumbor aanib na, ni taa gor kidagook, ki taa tun tijon aatuln libaa, ki taa li kpa iniman. Ni taa po len lituln limina aaboln aabor. 5 Ni po nyi ke unii umok ye udagoor na, ni unii umok ye tijondaan na, ni unii umok ye unimandaan na, aan koo ni Kristo ni Uwumbor aanaan ni. Unii yaa kpa iniman kan, liwangol ye liwaal la, le u dii.

Kolose Yaab 3:5 Nima pu na, kuln man tiwon aah ban pu na, ki taa gor kidagook, ki taa tun tijon aatuln, ki taa li ban tiwan ni kaa jan na, ki taa li kpa iniman. Unii u kpa iniman na aa dii Uwumbor, u dii liwankpal la.

1 Tesalonika Yaab 2:5 Ni nyi ke taa nan gbaa nimi mmomcoon aabor. Uwumbor nyi ke taa nan ye inimandam bi njmanni, ke binib taa bee ke ti ye na.

1 Tesalonika Yaab 4:3-7 Uwumbor aageehn le ye ke ni li bi chain, ki taa gor kidagook. 4 Ni jan ke ni momok bee naah ga ja pu ki li joo tiwon mbamom aan ti li bi chain, ki tun lituln li jan na. 5 Ubua taa cha bipiib aakpeek li bi u ni, ke binib bi kaa nyi Uwumbor na aah bi pu na. 6 Uja ubaa taa li ban una aabo aapuu ki tun titunwanbir timina. Ti nan tuk nimi ki sur nimi mbamom ke Tidindaan dar binib aatafal titunwanbir ngbaan momok pu. 7 Uwumbor yin timi ke ti li bi chain. Waa yin timi ke ti li gor kidagook.

1 Timoti 3:3,8 U taa li ye udagbiir, ki taa gbaa binib ((ki taa li kpa iniman)). U li bi suuna ki taa li kpa kinikpakpak. Unimbil taa li man njimobil pu. 8 To, ki joo cha Yesu aanib aateterb wob na, ni jan ke bi mu li kpa laasaab. Bi taa len fam fam. Bi li jan baah len pu na. Bi taa li ye bidagbiib. Binimbil taa li man njimobil pu.

1 Timoti 6:9,10 Binib bi aanimbil man liwankpal pu na, bi ga kan ntogn, ki lir. Binimbil ga li man kijork aawan sakpenn le pu. Ni ye fam la, ki ga bii bi. Tiwan ngbaan aaboln le cha binib bee fam ki kan ntafadaan mu kaa kpa ndoon na. 10 Binib yaa gee njimobil sakpen kan, nima le cha bi tun titunwanbir mok aabon. Binib bibaa aanimbil aah man njimobil pu pu na le cha bi yenn, kaa ki dii Yesu aasan, ki kan mpombiin ki ti chaar jer.

2 Timoti 2:22 Chuu aabaa ki taa dii tiwan ni kaa jan na aakpeek ke binachipom aah dii pu na. Tun lituln li jan na, ki tii Tidindaan naadii mbamom, ki li kpa ngeehm, ni nsuudoon. Kpaan binib bi mu bi kina ki joo bisui momok mee Tidindaan na chee.

2 Timoti 3:2,6 Ba pu? binib ga li ye bikumondam. Binimbil ga li man njimobil pu. Bi ga li kpa kipupuk, ki li kpa kigaak, ki li seei binib. Baan li pak bite ni bina, kaan li nyi idoon, kaan li pak Uwumbor, 6 Bi ponn ni bibaa looni ki koo njidchal ponn ni, ki njmanni bipijorb bi gbii titunwanbir ki dii bisui aah gee pu na aabon na.

2 Timoti 4:3 Ba pu? n-yoonn choo, le binib aan ki pel mmokm mu jan na. Bitafal aan li bi mu ni. Bi ga li ban bimomk bi ga tuk bi bisui aah gee tibor ti na la.

Taitus 2:12 Waabulchinn mok timi ke ti yii lituln limok kaa jan na, ki taa ki dii tiwan ni kaa jan na aakpeek, ki li chur tibaa mbamom, ki li dii mbamom, ki li bi Uwumbor aah ban pu na dulnyaa wee ni.

Taitus 3:3 N-yoonn mbaa timi tibaa nan ye bijorb, kaa kii Yesu aamob. Kinimboj nan njmann timi la. Tinimbil nan man tiwan ni kaa jan na aabon pu. Tisui aah

gee tiwan ni na, le ti nan ban. Ti nan gee baka baka aatuln, ki nan kpa lipiipoln, ki nan ye binib bi ubaa aa gee bi na, ki mu nan nan tɔb.

Hiibru Yaab 13:5 Ni taa cha ninimbil li man njimombil pu. Cha ninimbil gbiin naah kpa ni na pu. Ba pu? Uwumbor ubaa le bui ke waan di cha si. Waan di si lii.

Jems 1:14,15 Unii aakpeek yaa cha u ban ke u nya Uwumbor aasan ponn ni ki tun usui aah gee pu na kan, nima le cha u kani ntɔŋ. 15 Kikpeek yaa dek lipuul kan, ki maa titunwanbir la; titunwanbir yaa chikr kan, ti maa nkun la.

Jems 4:1-5 Tɔ, butɔb ni kijaak ki bi nikaasisik ni na, ni nyan ni la chee? Naa ye nimi aakpeek le jaa kijaak nisui ni ii? 2 Ninimbil man tiwan pu la, le naa kpa. Nima le ni ku binib. Tiwan aakpeek bi nisui ni la, le naa njmaa kan ni, nima le ni jaa kijaak, le ki to butɔb. Naah kaa mee Uwumbor ke u tii nimi na, nima le naa kpa. 3 Ni mee Uwumbor ke u tii nimi tiwan ni kaa ḥjan u chee na, nima pu le naa kan. Ni mee u ki ban tiwan ni ga ku nimi aakpeek na la. 4 Ni di Uwumbor lii a, ke upiidagoor aah di uchal di lii pu na. Naa nyi ke dulnyaa aajɔtiik le ye Uwumbor aadiŋ aa? Nima pu na, unii u ban dulnyaa aajɔtiik na, u ye Uwumbor aadin la. 5 Uwumbor aagbaŋ len ke, "Unii yaa joo waawiin dooni tiwan ki cha Uwumbor kan, Uwumbor kpa lipiipoln sakpen a." Ni dak ke ni len kina fam la aa?

1 Piita 1:14 Ni li keei Uwumbor aamɔb. Buyoonn naa nan kee nyi nsan mu ḥjan na, le ni nan dii nisui aah gee pu na. Ni taa ki dii kina.

1 Piita 2:11 Maanigeekaab, ni ye biwɔwɔm ni bisachum dulnyaa wee ni la. Nima pu na, m gan nimi, ni taa kii nisui aah gee pu na; ba pu? nisui aah gee pu na kiir nimi Uwumbor aasan ni.

1 Piita 4:2-4 Nima pu na, naah laa bi dulnyaa wee ni na, ni taa ki kii nisui aah gee pu na, ni li keei Uwumbor aah gee pu na. 3 Ni nan tun titunwanbir n-yoonn mu jer na; ni ḥneer kina. Ni nan ḥjani ke binib bi kaa nyi Uwumbor na aah ḥjani pu na, ki dii bipiib, ki dii tiwan ni kaa ḥjan na aakpeek, ki nan kuuni tɔb ki nyun ndaan gbii, ki tun lituln li kaa ḥjan na, ki dii njwaa, Uwumbor aah kaa kii pu na. 4 Naah kaa ki kpaani titunwanbirdam ngbaan chee ki ḥjani kina na, ni gar bi la, le bi seei nimi.

2 Piita 1:4 ki puu tipuul ti ḥjan sakpen na tii timi. Binib kpa iniman la. Nima le titunwanbir bi dulnyaa wee ni. Ni yaa gaa Uwumbor aah puu tipuul ti na kan, ni ga nya titunwanbir ngbaan ni, ki gaa Uwumbor aabimbin.

2 Piita 2:3 Bi ga li kpa iniman ki ga njmann nimi, ke bi ji nimi. Ni yunn le Uwumbor nan puun len ke baabɔr bii. Naan yunn le u ga daa bitafal.

2 Piita 2:9-19 Tɔ, nimina mɔmɔk le mɔk timi ke Tidindaan ga njmaa nyan binib bi san u na ntɔŋ ni, ki ga njmaa li dar titunwanbirdam aatafal ki ti saa bundaln u ga ji bi tibɔr na. 10 Binib bi dii tiwon aah ban pu na, ki gɔr kidagook, kaa kii unii ubaa aamɔb na, Uwumbor ga daa bitafal ki jer waah ga daa biken aatafal pu na. Bijnmajmannim bi bi ni ponn ni na aatafal pɔɔ la. Baa san unii ubaa. Bi seei Uwumbor aatuuntiib, kaa san ijawaan. 11 Uwumbor aatuuntiib kpa mpɔɔn ki jer bi, ki mu aa galn bi, kaa seei bi Tidindaan aanimbiin ni. 12 Binib ngbaan ḥjani baah gee pu na, ki bi ke ipeel i binib chur i ki ku i na la. Bi sii Uwumbor aatuuntiib, kaa nyi baah bi pu na. Bima bibaa aatunwanbir le ga kuln bi. 13

Baah ḥa binib falaa pu na, bi mu ga kan falaa. Baageehn le ye ke bi gor kidagook nwiin pu. Baah bi nikaasisik ni pu na, bi bi ke tijɔŋ aah likr likekeln pu pu na la. Baah ji ni chee tijikaar na, baalandak bi baatuln li kaa ḥan na ponn ni la. 14 Binimbil yaa kan upii kan, bi ban u la, kaan ḥmaa di cha titunwanbir. Bi ḥmanni binib bi kaa nyi Uwumbor aasan mbamɔm na ke bi yenn. Bisui bae iniman la. Uwumbor aamɔpuul bi bi pu la. 15 Bi yii nsanyaan le ki yenn, ki dii Beor aajapɔɔn Balaam aah nan dii pu na. U nan gee titunwanbir aanyoor la. 16 Le Uwumbor sur u waatunwanbir pu, ki cha ubon u ye ubir na di unibɔn aaneel ki sur u, u taa tun uwaar aatuln. 17 Biŋmajmannim ngbaan naahn inyunbun i kaa kpa nnyun na, ki naahn utoal u yun ki bɔln ki joo libuln kaa nu na la. Uwumbor ga di bi ḥa mbɔmbɔɔn sakpiin ni, n-yoonn mu kaa kpa ndoon na. 18 Bi len kalmbaani aaliin i ye fam na, ki ḥmanni binib bi kaa dii Uwumbor aasan ni yunn na, ki tɔŋni bi ke bi ḥa tiwon aah gee pu na ki gor kidagook, 19 ki bui bi ke bi ga gaa bibaa la. Bima bibaa ye titunwanbir aanaagbiib la; tiwan ni nyān unii na joo u tinaagbiir la.

2 Piita 3:3 Njan, m ban ke ni li nyi ke binib bi dii bisui aah ban pu na ga li bi kookoo aayoonn, ki ga ḥa nimi mbɔnyun,

1 Jɔnn 2:15-17 Tɔ, ni taa li gee dulnyaa wee aasan. Ni taa li gee dulnyaa wee ponn ni aawan. Unii yaa gee dulnyaa wee aasan kan, waa gee Tite Uwumbor. 16 Binib aanimbil man tiwan ni kaa ḥan na pu. Binimbil man baah kan tiwan ni na pu. Bi kpa kalmbaani baawan pu. Tiwan nimina mɔmɔk ye dulnyaa wee aasan la, naa ye Tite Uwumbor aasan. 17 Dulnyaa wee ga doo. Tiwan ni binib aanimbil man ni pu na, ni mu ga doo. Unii umɔk ḥani Uwumbor aageehn na ga li bi n-yoonn mu kaa kpa ndoon na.

Juud 1:11 Tibɔbir bi bi pu la. Bi yii Uwumbor aamɔb ke Keenn aah nan yii pu na. Bi mɔk binib mmɔkm mu kaa ḥan na ḥimombil pu, ke Balaam aah nan ḥa pu na. Bi yii baaninkpiib aamɔi ke Kora aah nan yii pu na. Uwumbor ga bii bi mu.

Juud 1:15-19 ki nan ji binib mɔmɔk tibɔr, ki ga bii titunwanbirdam mɔmɔk; ba pu? bi yii Uwumbor, ki tun titunwanbir waah kaa gee pu na, ki len tibɔbir u pu.” 16 Bibiindam ngbaan ḥulni n-yoonn mɔmɔk; tiwan nibaa aa mɔ bi chee. Bi dii tiwan ni kaa ḥan na aakpeek, ki len mpoɔn pu ki kpa kipupuk, ki pak biwankpadam, ḥimombil pu. 17 Maanigeekaab, teer man Tidindaan Yesu Kristo aakpambalb aah nan tuk nimi pu na, 18 ke kookoo aayoonn ni, binib ga li bi ki ḥani bininyaam mbɔnyun, ki dii tiwan ni kaa ḥan na aakpeek, Uwumbor aah kaa gee pu na. 19 Binib ngbaan yakr Yesu aanib la, ki dii bisui aah gee pu na, kaa kpa Uwumbor Aafuur Nyaan.

Tibɔkpiaan 18:14 Tijikaar nyaan ti kitinj ngbaan aanib aanimbil nan man ti pu na, taa ki bi bi chee. Tiwanpeenkaan ni ḥan na mɔmɔk bee fam. Baan ki kan ni.